

PROMJENE U NASTAVNIM PLANOVIMA I PROGRAMIMA

U vezi sa ponovljenim zahtjevom Rektorata za razmatranje rasterećenja studenata u vidu smanjenja broja predmeta na osnovnim studijama, iznosi se sledeći predlog:

a) SP Njemački jezik i književnost

Obrazloženje: nema nastavnika koji je izabran u zvanje za dolje navedene predmete, nastavnik se angažuje po eksternom oglasu. Osim toga, predmeti su dodati u prethodnoj akreditaciji, na zahtjev da se ujednače discipline na studijskim programima za strane jezike. Taj zahtjev nije dosledno realizovan, jer su na studijskim programima Ruski jezik i književnost i Francuski jezik i književnost Civilizacije ostale samo na prve dvije godine, dok se na ostala tri studijska programa za strane jezike analogni predmeti izučavaju na sve tri godine osnovnih studija. SP Njemački jezik i književnost u potpunosti stoji iza svog predloga.

– Ukidanje predmeta **Civilizacija zemalja njemačkog govornog područja 1** (2P, 3 ECTS, prva godina studija)

Opterećenje bi se preraspodijelilo na sljedeći način: 2 ECTS-a bi se dodala na predmet Savremeni njemački jezik 1 – Nivo A1 zbog činjenice da student bez predznanja započinju studije njemačkog.

1 ECTS dodao bi se na predmet Njemačka književnost 1 – Srednji vijek, humanizam i reformacija.

U vezi sa ovom izmjenom, bilo bi poželjno (ako je moguće) preimenovati predmet u 2. semestru iz **Civilizacija zemalja njemačkog govornog područja 2** u **Civilizacija zemalja njemačkog govornog područja 1**, odnosno predmet u 3. semestru iz **Civilizacija zemalja njemačkog govornog područja 3** u **Civilizacija zemalja njemačkog govornog područja 2** – bez ikakvih drugih izmjena u silabusu.

– Ukidanje predmeta **Savremena njemačka civilizacija** (2P, 3 ECTS, treća godina studija)

2 ECTS dodati na predmet Savremeni njemački jezik 6 – Nivo B2.2

1 ECTS dodati na predmet Njemačka književnost 6 – Književnost 20. vijeka sa seminarskim radom

b) Svi studijski programi

– Ukidanje predmeta **Španski jezik 1 i Španski jezik 2** (I godina studija)

Obrazloženje: Iz Uprave Univerziteta ranije je skrenuta pažnja da je neracionalno eksterno angažovati profesora za dodatnu ponudu drugog stranog jezika, kada u standardnoj ponudi već ima pet jezika, čiju nastavu pokriva kadar koji je uposlen na Filološkom fakultetu (engleski, ruski, njemački, italijanski, francuski). Osim

toga, osnovna pretpostavka za izbor Drugog stranog jezika bila je nastavak izučavanja stranog jezika koji je student imao u srednjoškolskom programu. Predlažemo da se očuva kontinuitet nastave za studente koji su protekle akademske godine odabrali ovaj predmet i da se ukinu samo predmeti *Španski jezik 1* i *Španski jezik 2* na prvoj godini (kao obavezni izborni). Istovremeno predlažemo da se u budućnosti razmotri način za ponovnu održivu implementaciju ovih predmeta. Ukidanje ova dva predmeta ne povlači nikakve druge izmjene.